



Broj: 10-05-2808/12  
Sarajevo, 10.05.2012.

**SKUPŠTINA KANTONA SARAJEVO**  
**-Služba za skupštinske poslove-**

**PREDMET : Odgovor na poslaničko pitanje**

**Poslanik Adnan Solaković**, na nastavku Dvanaeste Radne sjednice Skupštine Kantona Sarajevo, održane dana 05.03.2012. godine, u okviru tačke Dnevnog reda „Poslanička pitanja, inicijative i odgovori“, informišući da je Zavod zdravstvenog osiguranja Kantona Sarajevo omogućio Zdravstvenoj ustanovi -Lječilište „Banja –Terme –Ilidža“ , koja je u vlasništvu Alije Budnje, da se prema svemu sudeći nezakonitom odborom, domogne stotina hiljada maraka narodnih para i to pružanju usluga fizikalne terapije , te da je ugovor s Termama potpisan 2007. godine i to bez javnog poziva čime je privatni hotel postao povlašten i faktički i postao dio zdravstvenog sistema iako to prema Zakonu nije moguće , poslanik je postavio **poslanička pitanja:**

„Kako je samo na osnovu ugovora iz 2010.godine gospodinu Budnji omogućeno da već šestu godinu obavlja usluge fizikalne terapije i po toj osnovi bude mu isplaćeno više od pola miliona maraka sredstava Zavoda zdravstvenog osiguranja Kantona Sarajevo?“

„Kada je tačno bio raspisan javni poziv i za koji period , tražim precizan i sveobuhvatan odgovor?“

„Javno tražim od Kantonalnog tužilaštva da pokrene temeljitu istragu u vezi s tim radi utvrđivanja činjeničnog stanja i odgovornost direktora Zavoda zdravstvenog osiguranja Mahmuta Đape i vlasnika Zdravstvene ustanove-Lječilište „Banja –Terme –Ilidža“ Alije Budnje?“

U vezi sa postavljenim poslaničkim pitanjima dostavljamo slijedeći:

## **ODGOVOR**

Ministarstvo zdravstva je uputilo dopis Zavodu zdravstvenog osiguranja Kantona Sarajevo, broj:10-05-2808/12 od 19.03.2012. godine kojim se tražilo izjašnjenje na postavljena poslanička pitanja.

Zavod zdravstvenog osiguranja Kantona Sarajevo je aktom br. 01/2-2492/12 od 20.04.2012. godine dostavio ovom ministarstvu odgovor na poslaničko pitanje , koje dostavljamo u cjelosti.

**MINISTAR**

**Prim.dr Zlatko Vuković**



ZAVOD ZDRAVSTVENOG OSIGURANJA  
KANTONA SARAJEVO  
Ložionička br.2, Sarajevo  
Tel. +387 33 72 53 02  
Fax +387 33 72 52 52  
e-mail: kzzobib@jol.ba



INSTITUTE FOR HEALTH INSURANCE  
CANTON SARAJEVO  
Ložionička br.2, Sarajevo  
Tel. +387 33 72 53 02  
Fax +387 33 72 52 52  
e-mail: kzzobib@jol.ba

Broj:01/2-2492 /12  
Sarajevo, 20.04.2012. godine

KANTON SARAJEVO  
MINISTARSTVO ZDRAVSTVA KANTONA SARAJEVO  
N/r Prim.dr. Zlatko Vuković, Ministar

Predmet: *Odgovor na poslaničko pitanje*

Vašim dopisom broj 10-05-2808 prosljedili ste nam poslaničko pitanje gospodina Adnana Solakovića postavljeno u nastavku Dvanaeste Radne sjednice Skupštine Kantona Sarajevo koje se odnosi na zaključeni ugovor Zavoda zdravstvenog osiguranja Kantona Sarajevo sa zdravstvenom ustanovom Lječilište «Banja-Terme» Ilidža.

*U vezi s tim dajemo slijedeći odgovor:*

Usluge medicinske rehabilitacije, koja ne spadaju u produženo bolničko liječenje, do zaključenja ugovora sa zdravstvenom ustanovom Lječilište „Banja-Terme“ Ilidža osiguranici Zavoda su mogli koristiti na teret sredstava obaveznog zdravstvenog osiguranja isključivo u centrima bolničke rehabilitacije (CBR) JU Dom zdravlja Kantona Sarajevo. Ovi centri nemaju mogućnost provođenja hidroterapije.

Nakon registracije i otvaranja zdravstvene ustanove Lječilište „Banja Terme“ Ilidža, pojavio se značajan broj zahtjeva naših osiguranika za korištenjem usluga fizikalne i medicinske rehabilitacije uz korištenje prirodnog faktora (termalna voda), po preporuci ordinirajućih ljekara. Kapacitete ove ustanove su već, u tom periodu, koristili ratni vojni invalidi (RVI) na osnovu ugovora Ministarstva za boračka pitanja Kantona Sarajevo i „Banja Terme“ Ilidža, koji je potpisan i više godina prije ugovora Zavoda.

Nakon zahtjeva Ministarstva zdravstva Kantona Sarajevo, iskazanih potreba naših osiguranika i konsultacija sa Vladom Kantona Sarajevo, a u skladu sa Odlukom Upravnog odbora Zavoda broj UO/04-1887-3/07, kojom je regulisano korištenje usluga medicinske rehabilitacije u stacionarnim uslovima, koja ne podliježe kriterijima produženog bolničkog liječenja, zaključen je ugovor sa Lječilištem « Banja-Terme» Ilidža. Pod istim uslovima zaključen je i ugovor sa RCMR «Fojnica», u kojoj su osiguranici, do tada, mogli koristiti samo usluge medicinske rehabilitacije kao produženog bolničkog liječenja. Ugovorom su precizno utvrđene indikacije za upućivanje u «Banja-Terme» Ilidža i to su:

1. Postoperativna stanja na lokomotornom sistemu

- stanja poslije operativno liječenih oboljenja ili povreda donjih ekstremiteta, uključujući ugradnju endoproteze kuka i koljena,
- postoperativna stanja na kičmenom stubu.

2. Postoperativna stanja na glavi i kičmenom stubu sa neurološkim deficitom,

3. *Upalna reumatska oboljenja:*

- *Reumatoidni arthritis II-III stadija*
- *Spondilitis ankylosans II do III stadij*

4. *Stanja poslije CVI sa stabilnim vitalnim funkcijama, stanja poslije upalnih neuroloških oboljenja (poliradiculitis), radikulitis kompresivne etiologije diskogenog porijekla, sa motornim ispadima, polineuropatije sa funkcionalnim deficitom, multipla skleroza u fazi remisije.*

*Osiguranici Zavoda mogu koristiti usluge medicinske rehabilitacije na osnovu prijedloga ovlaštenih ljekara.*

*Osigurano lice može biti upućeno na medicinsku rehabilitaciju u trajanju od najduže 15 dana jednom godišnje. Troškove zdravstvenih usluga (usluga medicinske rehabilitacije) snosi Zavod u iznosu od 30 KM dnevno, a eventualne dodatne troškove nastale na zahtjev osiguranog lica (smještaj, ishrana i sl.) snosi osiguranik lično.*

*U 2011. godini ZU Lječilište „Banja Terme“ Ilidža plaćeno je 128.220 KM.*

*2010. godine proveden je javni poziv na osnovu kojeg je pored ZU Lječilište „Banja-Terme“ Ilidža i RCMR „Reuma!“ Fojnica, ugovor potpisan i sa banjom „Aquaterm“ Olovo.*

*Potpisivanjem ovih ugovora proširena su prava osiguranika i poboljšana kvaliteta njihove zdravstvene zaštite. Pored osiguranika koji su koristili usluge medicinske rehabilitacije kao produženo bolničko liječenje (rehabilitacija u roku od tri mjeseca od otpusta iz bolnice) omogućeno je da i osiguranici koji su bolnički liječeni u prethodnom periodu, pa i prije više godina, a imaju potrebu za medicinskom rehabilitacijom, dobiju usluge u ustanovama specijalizovanim za ovaj vid liječenja. U toku je priprema za raspisivanje novog javnog poziva, s obzirom na isticanje roka važnosti postojećih ugovora.*

*S poštovanjem,*

*Zamjenik direktora*

*Mahmut Đapo, dipl.oec.*

